

Samfala kwestin we oli stap askem

1. Wanem ia wan Protection visa?

Ol Protection visas oli blong olgeta (o ol memba blong famli blong olgeta) we oli stap long denja o oli save fesem rabis tritmen sapos oli go bak long hom. Sapos oli givim wan Protection visa long yu, yu no save go long kantri we yu stap lukaotem asylum long hem wetaot pemisen blong Gavman blong Ostrelia, iven sapos ol famli blong yu i liv long we.

No aplae from wan Protection visa olsem wan narafala wei blong yu save stap longtaem moa long Ostrelia blong kasem wok we oli pem yu.

Strong enkarajemen i stap go long yu blong lukaotem [fri ligol advaes](#) long ol ligol provaeda speselis we oli wok long saed blong refiiji mo imigresen loa (specialist refugee and immigration legal providers) blong jekem sapos yu mitim ol rul blong wan Protection visa.



2. Hu nao i save aplae from wan Protection visa long Ostrelia?

Ol Proteksen visa ia oli blong olgeta (o ol memba blong famli blong olgeta) we oli stap long denja sapos oli go bak long hom o oli stap fraet long rabis tritmen from:

- kala blong skin blong olgeta (res)
- rilijen
- nasonaliti
- oli memba blong wan sosel grup o
- wan politikol tingting.

I gat fulap moa aplikesen blong Protection visa we i no go tru bitim olgeta we i go tru. Oli no bin akseptem bitim 85% long ol aplikesen from se oli no mitim ol rul blong visa. Ol aplikesen blong samfala blong narafala kantri oli no akseptem klosap 100% long olgeta.

Bae maet i gat sam narafala visa we i moa stret long situesen blong yu. I gat moa infomesen long hao blong faenem wan stret visa long [websaet blong Hom Afea](#).

3. Hemi tekem hao long blong oli prosesem wan aplikesen blong Protection visa?

Oli mekem fulap jens long aplikesen proses blong Protection visa blong spidimap taem blong proses. Naoia fulap long ol niufala aplikesen oli save mekem disisen hariap, klosap 8 taem spid bitim ol yia we i pas. Hemi minim se bae oli save givim ol Protection visas hariap moa long olgeta we oli nidim, mo bae oli no akseptem olgeta we oli aplae long Protection visa blong wok nomo o stap longtaem moa long Ostrelia.

Yu mas save se sapos yu aplae from wan Protection visa tru long wan migresen advaes we hemi no rejista, bae save yu pem fulap mane be oli save mekem disisen hariap blong oli no givim wan Protection visa long yu. Strong enkarajemen i stap go long yu blong faenem fri ligol advaes long ol ligol provaeda speselis we oli wok long saed blong refiiji mo imigresen loa (specialist refugee and immigration legal providers) blong jekem sapos yu mitim ol rul blong wan Protection visa.

Bae maet i gat sam narafala visa we bae stret blong aplae from. Yu save faem moa infomesen blong street visa long [websaet blong Hom Afea](#).

4. Wanem bae i hapen sapos oli no akseptem Protection visa long mi?

Sapos oli no akseptem wan Protection visa long yu, yu nomo save aplae long fulap long ol narafala visa mo bae yu mas go aot long Ostrelia. Sapos yu nogat wan stret visa, oli save holem yu mo muvumaot yu long Ostrelia. Wan aplikesen blong Protection visa we oli no akseptem bae i save mekem i had blong yu mo famli blong yu i kam bak long Ostrelia blong visit long fiuja. Hemia bae i save spoem ol aplikesen blong ol visa blong go long ol narafala kantri, be hemia i dipen long wanem kaen visa yu stap aplae from.

Yu save fesem strong panisman sapos yu aplae from wan Protection visa wetem ol fols dokumen o kiaman infomesen long aplikesen blong yu. Ol panisman olsem ol bigfala faen, taem long kalabus kasem 10 yia, o karem tugeta panisman ia. Mo tu, bae hemi save had blong yu wetem famli blong yu oli kambak bakeken long Ostrelia, iven long wan visa blong wan visita, studen blong temporeri wok olsem long wan visa blong blong PALM skim ([PALM scheme](#)).

Long yia ia, Gavman blong Ostrelia i statem wan niufala operesen blong fokes blong holem olgeta we temporary visa blong olgeta i ekspae mo oli no bin akseptem Protection visa aplikesen blong olgeta. Bae oli mo muvumaot olgeta long Ostrelia. Operesen ia hemi stap go hed.



Samfala kwestin we oli stap askem

Sapos oli holem yu mo muvumaot yu long Ostrelia, bae save pem bak kost we oli muvumaot yu mo hemia bae save kasem fulap mane.

Bifo yu aplae from wan Protection visa, mifala I stap enkarajem yu blong faenem [fri ligol advaes](#) long ol ligol provaeda speselis we oli wok long saed blong refuji mo imigresen loa.

5. Mi save aplae from wan narafala visa sapos oli no akseptem wan Protection visa?

Sapos oli no akseptem wan Protection visa long yu, yu nomo save aplae from fulap long ol narafala visa mo bae yu mas go aot long Ostrelia. Bae yu mo ol famli memba blong yu tu bae oli faenem i had blong kambak long Ostrelia.

Sapos oli holem yu mo muvumaot yu long Ostrelia afta we oli no akseptem wan Protection visa, bae yu save pem bak kost we oli muvumaot yu, mo hemia i save kasem fulap mane.

Wan Protection visa we oli no akseptem bae i save mekem i had blong yu blong aplae from wan visa blong ol narafala kantri long fiuja, be i dipen long wanem kaen visa yu stap aplae from.

Bae maet i gat sam narafala visa we bae stret blong aplae from. Yu save faem moa infomesen blong street visa long [websaet blong Hom Afea](#).

6. Bae mi toktok long wan migresen advaes blong aplae from wan Protection visa?

Ol advaes blong hao yu save aplae from wan Protection visa hemi mas kam tru nomo long ol migresen ejen we oli rejista o ol ligol praktisona blong Ostrelia. Yu save askem help long saed blong imigresen long wan eksemt peson (exempt person).

Wan eksemt pesen hemi wan man o woman we hemi no wan migresen ejen we i rejista o wan ligol praktisona mo hemi wan long olgeta ia:

- nomineta (wan narafala man o woman we yu jusum) o sponsa blong yu
- stret famli blong yu
- memba blong palimen
- memba blong wan diplomatik misen
- memba blong wan konsula post
- memba blong wan intenasonal oganaesesen

Wan man o woman we i no wan migresen ejen we i rejista o ligol praktisona blong Ostrelia i no mas jajem fi long yu blong taem oli helpem yu. Hemi akensem loa blong wan eksemt pesen i jajem wan fi.

Wan man o woman we hemi wan migresen ejen we i no rejista, ligol praktisona o wan eksemt pesen i save givim rong advaes long yu mo hemi save spolem Janis blong yu blong save stap long Ostrelia.

Yu no mas letem eniwan i aplae from wan Protection visa blong yu sapos yu no andastanem wanem nao yu stap aplae from mo wanem infomesen nao oli stap givim insaed long aplikesen. Yu mas mekem sua se evri samting insaed long aplikesen blong yu hemi tru, iven sapos wan narafala man/woman i komplitim mo sabmitim long bihaf blong yu.

Sapos yu stap pem blong karem migresen advaes, mekem sua se hemi wan migresen ejen we hemi rejista o wan ligol praktisona blong Ostrelia. Yu save jekem sapos wan migresen ejen hemi rejista tru long websaet blong [Ofis blong Registresen Otoriti blong ol Migresen Ejien](#).

7. Hao nao mi save faenem wan stret migresen advaes blong help wetem aplikesen blong Protection visa blong mi?

Long Ostrelia, ol migresen ejien oli mas rejista wetem [Migresen Ejien Registresen Otoriti \(OMARA\)](#). Yu save go long websaet blong jekem sapos wan ejien hemi rejista o yu save faenem wan narafala ejien.

Ol opereta we oli brekem loa oli stap salem ol sevis blong olgeta long sosel media mo long ol onlaen chat grup. Samtaem oli talem long ol man we i stap aplae blong oli givim kiaman infomesen taem oli aplae long Protection visa, mo samfala i stap jajem fulap mane long ol kiaman advaes ia.

Sapos wan man o woman i traem blong givim ol imigresen advaes we hemi brekem loa, yu save talem long mifala tru long [Border Watch Online Report](#) (onlaen ripot blong Boda Waj program). Yu no nid blong talemaot nem blong yu.

[Fri ligol advaes](#) long ol ligol provaeda speselis we oli wok long saed blong refuji mo imigresen loa hemi aveilobol naioa.



Samfala kwestin we oli stap askem

8. Sapos mi aplae from wan Protection visa bae mi save go bak hom?

Taem yu aplae from wan Protection visa bae maet oli no akseptem sapos yu go bak long kantri we yu stap askem proteksen blong Ostrelia long hem, iven sapos ol famli i liv long we.

Long wan taem we oli givim wan Protection visa long yu, yu no save go long kantri we yu bin lukaot asylum long hem wetaot pemisen blong Gavman blong Ostrelia, iven sapos ol famli blong yu i liv long we.

9. Wanem bae i hapen sapos mi submitim aplikesen blong wan Protection visa wetem fols infomesen?

Yu save fesem strong panisman sapos yu aplae from wan Protection visa wetem ol fols dokumen o kiaman infomesen long aplikesen blong yu. Ol panisman olsem ol bigfala faen, taem long kalabus kasem 10 yia, o karem tugeta panisman ia.

Antap long risk blong pem bigfala faen o go long kalabus, bae i save had blong yu wetem famli blong yu oli kambak long Ostrelia, iven long wan visa blong visita, studen o temporeri wok olsem long wan visa long PALM skim ([PALM scheme](#)).

Sapos oli faenemaot se yu givim fols o kiaman infomesen afta we oli givim visa long yu, bae oli kanselem Protection visa blong yu. Yu mas save se wan aplikesen blong Protection visa we oli no akseptem o oli kanselem wan Protection visa bae i save mekem i had blong aplae from wan visa blong ol narafala kantri, be i dipen long wanem kaen visa yu stap aplae from.

Sapos wan man o woman i stap aplae from wan Protection visa mo hemi askem yu blong raetem wan leta blong sapotem hem, bae yu mekem nomo sapos yu bilif se hemi tru se hemi wan stret asylum seeker we sapos hemi go bak long hom blong hem bae i save fesem denja o fesem rabis tritmen. Enkarajem hem blong kasem [fri ligol advaes](#) long wan ligol provaeda speselis we oli wok long saed blong refuji mo imigresen loa long stet o teritri blong hem.

10. Hemi tru se wan Protection visa hemi wan wei blong wan man o woman blong stap long Ostrelia mo wok?

Protection visa hemi blong oli aplae long hem nomos sapos wan man o woman ia i fesem denja o gat rabis tritmen sapos oli go bak long hom blong olgeta. Protection visa hemi no blong pipol we oli wantem stap longtaem nomo long Ostrelia blong wok.

Sam kampani oli save givim ol janis blong wok long Ostrelia mo talem long ol pipol we oli gat wan temporeri visa blong aplae blong wan Protection visa mo yusum ol fols infomesen. Hemia bae i save mekem se man o woman ia i stap lo risk sapos visa i no go tru mo bae oli save fesem bigfala faen, sam taem long kalabus kasem 10 yia, o fesem tugeta. Bae maet oli no akseptem ol narafala kaen visa blong olgeta long fiuja.

Ol student tu oli stap advaes long olgeta blong aplae from wan Protection visa wetem ol fols infomesen blong kontinu blong stap long Ostrelia. Taem yu givim fols infomesen, hemi putum man/ woman we i aplae long risk blong oli no askeptem visa blong olgeta mo oli save fesem bigfala faen, o sam taem long kalabus kasem 10 yia, o fesem tugeta.

I gat fulap moa aplikesen blong Protection visa we i no go tru bitim olgeta we i go tru. Oli no bin akseptem bitim 85% long ol aplikesen from se oli no mitim kraeteria blong visa. Ol aplikesen blong samfala blong narafala kantri oli no akseptem klosap 100% long olgeta.

Sapos yu stap tingting blong aplae from wan Protection visa, mifala i enkarajem yu blong faenem [fri ligol advaes](#) long ol ligol provaeda speselis we oli wok long saed blong refuji mo imigresen loa blong jekem sapos yu mitim ol rul blong visa ia. Bae maet i gat sam narafala visa we i moa stret long situesen blong yu.

11. Mi save karem fri advaes long eni man/woman?

Gavman blong Ostrelia i stap givim [fri ligol advaes](#) blong ol ligol provaeda speselis we oli wok long saed blong refuji mo imigresen loa blong jekem sapos wan man o woman i mitim ol rul blong wan Protection visa.

Mo tu, yu save go long [websaet blong Hom Afea](#) blong faenemaot moa infomesen.

